

50
CELEBRATING OUR GOLDEN JUBILEE
1964-2014

MIWAR

Tou Seselwa

EN nouvo Sesel En nouvo Frontyer - The next 50 years

BONN FET SESEL

ANNOU SELEBRE TOU SESELWA



Desann frer, ser Seselwa vin zwenn nou dan en gran fennsifer pour lafanmiy le premye Zen lo Freedom Square. Lo apremidi nou dirizan pou adres nou laparol me depi byen bomaten en kantite mizisyen pou la pe met lanbyans. Vini vin partisipe, sa lafet ki nou pe selebre, se lafet tou Seselwa. Nou lafet pou sile, fer sir ou pa regrete ou'n manke!

Nou Parti i travay pour tou Seselwa. Nou dirizan i travay avek en leker pour tou Seselwa. Sesel in sorti lwen, regard zistans in arive.

En kantite progre nou'n fer. Nou annan ase rezon pour selebre. Get sourir nou zanfane konpar avek regar zanfane lezot nasyon, pa bezwen al lwen, lanmenm obor nou, lo kontinan Afriken. Annou kontinyen fer zot viv dan stabilite e lape.

Konmdir sanson David Philoe, "SESEL I APEL NOU PEI, LIMENM NOU PTI PARADI, OLYE KI NOU BLANM KANMARAD, OLYE KI NOU TRAI KANMARAD, ANNOU ZWENN ANSANM KONMAN EN NASYON, NOU AVA ANMIZE."

Ki meni Zibile?



Ann avan dan nouvo deseni - ziska ankor 50an



Wi, nou pe al selebre nou laniverser 50 an, me nou pe osi reflexir lo prosen 50 lannen ki devan nou. En kantite keksoz i kapab arrive dan sa 50 lannen devan nou, me kwa ki nou lepep nou oule arrive?

Eski noule retourn ann aryer? Eski nou oule reste statik? Evidaman larepons tou le de kestryon se non. Alor, ki nou fer? Aparti la, annou enzekte dan nou sa lenerzi, sa konfyans, sa determinasyon e sa rezilyans pour zwe nou rol pour plis progre. Noule ariv lwen. En kantite keksoz nou koz lo la, ki nou dir pa bon, pa merit koumsa oswa tya meyer sa fason. Pa krwar nou dirizan pa tandè. I annan en tan pour tou keksoz dan lavi, e letan pour koriz sa ki nou fer mal, in arrive.

Si nou dekile, nou pou santi nou ganny kit deryer. I annan plis dibyen kan nou vin ansanm e kontribye pour fer marse nou pei. e fransman dir, si pa nou Parti lekel? Si pa James Michel lekel? Sa tou Seselwa i konnen e zot dir tou. Alor aret koze e annou pas a laksyon.

Nou'n aksepte ki nou annan en dirizan dinamik ki ranpli ek lasazes, e nou osi konnen e aksepte ki nou Parti pou bezwen aziste serten fason i travay, pourki son dimoun, e tou dimoun pa ganny kit deryer.

Nou'n fer en ta lepa e pareyman apre sa letap 50 an, nou pou kontinyen sa voyaz ranpli ek plis viger aköz nou tou nou'n fini aksepte ki nou oule double nou boner ek prosperite.

Selebrasyon Zibile Lor Parti Lepep i konmanse Vandredi apre midi avek en Konferans, ki pou swiv lannmen ek en Kongre.

Sa de aktivite pe ganny organize pour selman bann manm dan nou striktir, e pou annan lezot envite, ki pou enkli en gran delegasyon etranze, nou bann zanmi.

● Dimans aktivite popiler lo laplenn, la nou pe demann tou fanmiy Seselwa pour desann pour vin anmize. Nou tou nou annan en par dan sa lafet aköz Parti Lepep se Lepep Seselwa. Nou pa zis bezwen Seselwa pour travay me pour anmize kan in ler. Nou'n transpire, nou'n rousi dan soley, pandan ki nou'n met bokou zefor ansanm pour batir nou Sesel.

En kantite travay nou'n fer dan 50 an. Malgre i reste bokou ankor pour fer, la in ariv ler pour selebre en letap enportan – kan nou ti tir Sesel anba kolonizasyon e donn li kontrol son desten e kan nou'n konmans batir en Sesel meyer.

● Le premye Zen aswar nou bann aktivis pou fyer konnen ki Parti pe inogir en moniman komemorativ sa senk deseni travay dir.

● Lannmen le 2 Zen enn bann pli zoli legzibisyon pou ouver kot Sant Kiltirel Nasyonal anvil. Sa legzibisyon i parmi enn bann pli enportan, e pli enteresan ki zanmen Sesel in war. I pou reste ouver pour donn sans tou

Seselwa vin apresye. En parkour dan sa 50 lannen, pou sirman ouver lizye nou pep.

Aswar fer sir zot devan lekran zot televizyon, SBC pou pas enn nou program – en dokimanter kot bann ki'n la pandan sa parkour 50 an pou donn zot lopinyon, e pa manke, Prezidan nou Parti, Msye James Michel in osi reponn kestryon dan en intervyou eksklisiv.

Lannmen Mardi le 3 Zen, Lepep pou onor nou Per Fondater, nou ansyen Prezidan France Albert René, sa zonn ki'n fini pran son plas dan listwar.

I'n sakrifye son lavi garson, e tou son lavi adilt ziska laz 69an kan i ti pas pouwar avek son siksese, James Michel. Son biografi pou lanse Mardi dan prezans son fanmiy, zanmi, e koleg.

● Le 4 Zen, re-ouvertir Mize SPUP/SPPF/PARTI LEPEP pou donn Seselwa e viziter dan nou pei en lot sans pour konn nou listwar. Mize pou reste ouver, pase vin apresye. Pou annan en melanz modernite e sa ki vye dan nou mize.

● Le 5 Zen, nou pou met kouronn kot Moniman Liberasyon ki'n fini pran son plas dan lakour. Moniman Liberasyon pou debout fyer, le 5 Zen 2014 kot Maison du Peuple, dan en landrwa kot tou Seselwa pou war li.

Apre byensir, pou annan aktivite varye dan distrik plis detay pou dan advert ki pou konmans pase lo SBC tanto.